

ան ոչինչ բրաւ ցարդ ու ոչինչ ալ պիտի ընէ այսուհետեւ:

Այս անտարբերութիւնը պէտք է բացատրել երկու պատճառով. նախ՝ ուժ չունի. տկար ու անկազմակերպ և անկարող է պետական ուժը չէզոքացնել և երկրորդ՝ գիւղացիներու սիրոյն համար շատ ալ տրամադիր չէ վշտացնել պէկուսութիւնը, որովհետև պատերազմի ատեն անոնց թոյց տալիք օժանդակութեան վրայ խոշոր յոյսեր ու ակընկալութիւններ ունի:

Այսպիսով ուրեմն, պէկերու և իւղացիներու միջև առաջացած պայքարին դէմ կառավարութիւնն ընդհանրապէս թոյլ է, անտարբեր ու անկարող, և պէկուսութիւնը շնորհիւ իր ունեցած պատկառելի ուժին սարսափ կը թափէ ամեն կողմ, իր գոյութիւնը ապահովելու համար:

«Հայրենիք»

ԹԱՏՐՈՆԱԿԱՆ ՍԷՋՕՆԻ ԲԱՑՈՒՄԸ

Ամեն անգամ, երբ առիթ ենք ունենում թատրոն գնալ,—միշտ տխուր տպաւորութեան տակ ենք դուրս գալիս, ո՛չ թէ տրուած որևէ թատրոնական պիէսի վատ կամ լաւ լինելու համար, յաջող կամ անյաջող ներկայացնելու համար,—այլ սեփական թատրոնական շէնք չունենալու համար:

Թիֆլիզը բուսահայութեան մտաւոր կենդրոնն է համարուում և մենք չունինք թատրոնական մի՞ թէկուզ անշուք շէնք և հայկական ներկայացումների համար ստիպուած ենք լինում մուրալ այս կամ այն թատրոնի շէնքը, ուր շարաթական հաղիւ մի կամ երկու օր համաձայնում են մեզ տալ և այն էլ շարաթուայ օրերից ամենաանպատ համարուածները:

Դժուար չէ ուրեմն երևակայել, որ այսպիսի պայմաններում հայ թատրոնը հարկաւոր հետաքրքրութիւնն եւ հեղինակութիւնը չի վայելում մեզանում:

Մայրենի բեմի այսպիսի վիճակը պատուաբեր չէ մեզ համար:

Հայ հարուստը միշտ էլ եղել է բարեգործ. նրա բարեգործութեան արդիւնք են մեր բոլոր աստուածահաճոյ հիմնարկութիւնները: Մենք համոզուած ենք, որ նա չի զլանայ իր լուծան և՛ մայրենի բեմի համար. միայն պէտք է, որ այդ—սեփական շէնք ունենալու գործի գլուխ անցնեն հասարակութեան մէջ հեղինակութիւն ունեցող մարդիկ և կոչ անեն նրա առատաձեռնութեան:

Թատրոնական վարչութիւնների սեպուհ պարտականութիւնն է այդ մասին մտածել: Թէ ի՞նչ ձևով կարելի է իրականացնել սեփական շէնքի գաղափարը—արդեօք գտնելով մի բարերար թէ կոպէկ-կոպէկ ժողովելով—այդ խնդիրը թողնում ենք որոշելու գործող մարմնին, բայց մի բան անկասկած է, որ պէտք է ունենալ սեփական թատրոնական շէնք—եթէ ուզում ենք, որ մեր բեմն էլ

հարկաւ կրթիչ ու ազնուացուցիչ դերը ունենայ մեր ժողովրդի կեանքում,—և պէտք է այժմեանից աշխատել այդ մասին, առանց վաղուան յետաձգելու:

S - Ե.

ԴԱՏԱՊԱՐՏՆԵԼԻ ԱՆՏԱՐԲԵՐՈՒԹԻՒՆ

Երբ մի կարևոր և անհրաժեշտ խնդրի մասին առաջարկ է լինում որևէ ընկերութեան կամ հիմնարկութեան, լինի նա ազգային թէ միջազգային, պետական թէ հասարակական, անպայման եթէ ոչ լիովին, գոնէ մասամբ քննութեան է առնում առաջադրած խնդիրը և հարկաւոր համարուած դէպքում իր հոգածութեան հերթական առարկայ դարձնում: Այսպէս է ընդունուած ամեն տեղ, ամեն հաստատութիւնների մէջ, որի ղեկավարները փոքր ի շատէ կրթուած, ժողովրդի ցաւերին կարեկից անձնաւորութիւններ են:

Սակայն գժբաղաբար մեզանում—մասնաւորապէս Թիֆլիզում բացակայում է գործունէութեան այդ սիստէմը և ամեն մի հասարակական գործ միշտ էլ կրիայի քայլերով է առաջ գնում և երբեմն էլ աննախանձելի, շատ անգամ մահուանը մօտեցող վիճակին է համնում, երբ իր «խնամատարների» կողմից մատնուած է դատապարտելի անուշադրութեան:

Բազմաթիւ օրինակներից իշխնք մէկը միայն: Թիֆլիզի Հաւլարաբր քաղաքամասը, օր վերջերս արտաքուստ սկսել է հետզհետէ զարդարուել ու բարեկարգուել, ներքուստ մնում է նոյնը, ինչ որ տասն տարի սրանից առաջ էր և մտածող անգամ չկայ նրա ներքին կեանքի յառաջադիմութեան մասին: Սինդիկատ քաղաքը բարւոք և ծաղկած վիճակի մէջ պահելու համար անհրաժեշտ է արմատապէս բարենորոգութեան ենթարկել նրա ներքին կեանքը, նրա մտաւոր-բարոյական կողմը:

Կրկնում ենք Հաւլարաբր վերջին միջանի տարիների ընթացքում յառաջադիմել է միայն տեսականապէս, արտաքուստ. իսկ ներքուստ յետադիմել, եղած չնչին հասարակական հիմնարկութիւններն էլ—թատրոն, հասակաւորների դպրոց—փակուել է և այսօր Հաւլարաբրի ազգաբնակութեան մի որոշ մասը հոգեկան հաճոյք կամ մտաւոր որոշ բաւականութիւն ստանալու համար ստիպուած են լինում 3—4 վերստ հեռավորութեան վրայ գտնուող թատրոններն հասնել, այն էլ երբեմն տոմսակ չլինելու պատճառով գլխիկոր վերադառնում. իսկ մի մասն էլ իրեն ժամանցի և զուարճութեան վայր ընտրում է գինետունը և արիւնի գնով վաստակած կոպէկները տալիս ոգելից խմիչքներին ու թունաւորում իր՝ առանց այն էլ հոգնած ու մաշուած մարմինը ..

Այս ցաւալի երևոյթը բազմիցս արձանագրուել է մեր մամուլի էջերում և միշտ մնացել անուշադիր: Մի քանի անգամ առիթ ենք ունեցել հրաւիրելու Թիֆլիզի քաղաքային վարչութեան ուշադրութիւնը Հաւլարաբրում

մի համեստ ժողովրդական տուն կառուցանելու համար, որ արուէին զուտ ժողովրդական ներկայացուցիչներ և կազմակերպուէին ժողովրդական դասախօսութիւններ, սակայն քաղաքային վարչութիւնը միշտ էլ մնացել է ձեռնպահ և անտարբեր, կարծես Հաւաքարը քաղաքից անջատ, նրա հետ կապ չունեցող վայր լինի: Եւ այսպիսի անտարբերութիւնը դէպի մի՛ կենսական խնդրի հետ անմիջական կապ ունեցող հիմնարկութիւնը՝ անպայման դատապարտելի է:

Արքան մեծ չարիք է ոգելից խմիչքների գործածելը, նոյնքան և աւելի մեծ բարիք կարող է լինել և բարերար ազդեցութիւն կունենայ Հաւաքարում ժողովրդական տունը, որը ոչ միայն կը նպաստէ հաւաքարցու մտաւոր-բարոյական յառաջդիմութեան, այլև յետ կը կասեցնէ գինեմեծերից այն բազմաթիւ բարոյապէս վտանգուածներին, որոնք սպառնում են ապագայում այլասերել, այլանդակել իրենց չըջապատի մատող սերնդին:

Ապագայում այս ցաւալի դրութիւնից հաւաքարցուն ազատելու համար անհրաժեշտ է կառուցանել մի համեստ ժողովրդական տուն, որ իր մէջ պարունակէր գոնէ Զուբալովի Տան յարմարութիւնների մի քանորդը:

Եւ վերջապէս քաղաքային վարչութեան պարտականութիւնն է մտածել այդ մասին և յանուն իր խնամքին յանձնուած ժողովրդի մտաւոր-բարոյական կեանքի յառաջդիմութեան՝ օր առաջ ձեռնարկէ այդ հիմնարկութեան կառուցման:

**Գ. Օջաննան**

**ՀԱՄԱԶԳԱՅԻՆ ՄԵԾ ՅՕՒԵԼԵԱՆԸ**

Քաղաքիս ինտելիգէնտ հասարակութիւնը պատրաստութիւն է տեսնում Ֆեռանդուն կերպով ամսոյս 19-ին մի երեկոյթ կազմել շքեղ տօնելու համար համազգային տառերի գիւտի 1500-ամեակի և տպագրութեան 400-ամեակի մեծ յօբելեանը: Տօնին աւելի վայելուչ կերպարանք տալու համար Աղէքսանդրապօլից հրաւիրել են երգիչ Նուագածու թառիստ Գրիգոր Տալեանի խումբը: Այս երկրորդ անգամն է, որ այսպէս պատրաստութիւններ են տեսնում այդ տօնի առիթով:

Ներկայումս գործի գլուխ կանգնած են բացի նախկին նախաձեռնող պարոններից նաև տեղիս քահանաները, որոնք աշխատում են զրական գեղարուեստական բաժինը աւելի ճոխ և բազմաթիւանդակ կերպով ցուցադրել հետաքրքրուող հասարակութեան:

Տեղիս քահանաները բոլորն էլ գրեթէ ձեռնհաս կրթուած մարդիկ են և երբ ուզենան կարող են մեծ բան կատարել եթէ գէթ համերայնութիւնը գերիշխող լինէր նրանց մէջ: Քահանաները այժմ պատրաստում են հրատարակել այդ նշանակալից տօնի օրը մի «ալմանախ», բարիբաղդաբար նրանց մի ժողովում ինձ վիճակուեց ներկայ գտնուել, որտեղ կարգում էին, քննում, քննադա-

տում Ալմանախի համար ընտիր գրուածքները, և ապա յանձնում տպագրութեան: Պէտք է ասել, որ ամեն ոք էլ հասարակութիւնից կարող էր մասնակցել զրականների այդ ժողովին, ով ի հարկէ պատրաստած ունենար «Ալմանախի» համար մի գրաւոր աշխատութիւն:

Ահա այսպէս շուտով քաղաքումս տօնուելու է Համազգային Մեծ Յօբելեանը և տայ Աստուած, որ փառաւոր և շքեղ կատարուի այդ ազգային տօնը: Յուսալի է, որ լաւ պէտքէ անցնի, որովհետեւ այժմ վաճառական արուստ դասակարգից մասնակցողներ կան հանդէսին, որոնք այնքան մօտ են համարել իրենց սրտին յօբելեանական տօնը, որ պատրաստակամութիւն են յայտնել մինչև անգամ ինչպէս լսեցիք, հարկաւոր ծախքը իրենք հոգալու և չթողնելու, որ տեղիս զրական-գեղարուեստական ընկերութիւնը, որ նախաձեռնողն է եղել այս սուրբ գործին, դէֆիցիտ ունենայ: Առիթ կունենանք տօնակատարութեան մասին յետոյ յայտնել մեր կարծիքը:

Այս յօբելեանական տօնի առթիւ և զպրոցական Փօնդի համար թեմիս սրբազան առաջնորդը գնացել է հիւսիսային կովկասի քաղաքները: Նորին Սրբազնութիւնը ունէր հոյնպէս կատարելու կարևոր պաշտօնական գործեր իր այցելած վայրերում: «Մշակ» լրագրի խմբագրութիւնից յայտնած էր, որ իբրև թէ թեմիս սրբազան առաջնորդ Միթար եպիսկոպոսը հրաժարական է տուել պաշտօնից, գալիս եմ յայտնելու, որ միանգամայն սխալ է այդ տեղեկութիւնը և ինչպէս ինձ յայտնի է սրբազանը հրաժարական չի տուել:

*Ղինուս*

Աստրախան, 6 հոկտ.

**ՀԱՄԱԶԳԱՅԻՆ ՄԵԾ ՏՕՆԻ ԿԱՏԱՐՈՒՄԸ ԷԶՄԻԱԾՆՈՒՄ**

(Քաղուած թերթերից)

Հոկտեմբերի 11-ին, ուրբաթ օրը զանազան վայրերից հաւաքուել էր մօտ 150 պատգամաւոր: Երեկոյեան կաթողիկոսը ամբողջ միաբանութեան ուղեկցութեամբ հանդիսատարապէս իջաւ Մայր Տաճար:

Ժամերգութիւնից յետոյ տեղի ունեցաւ պատգամաւորների խորհրդակցութիւն դպրոցական Փօնդի մասին: Որոշուեց, որ հասարակութիւնը մասնակցէ Փօնդի գործադրութեան կազմակերպութեանը: Քննուեցին ղեկարոցական խնդիրներ:

Շագաթ օրը տեղի ունեցաւ հանդիսաւոր թափօր Էջմիածնից Օշական, Կաթողիկոսի, վանքի միաբանութեան, Հեմարանի աշակերտութեան և ուսուցչութեան, պատգամաւորների և խուռն բազմութեան մասնակցութեամբ: Տպաւորութիւնը վեճ էր:

Օշականի եկեղեցում տեղի ունեցած պատարագից յետոյ հանդիսաւոր հոգեհանգիստ կատարուեց ս. Մեսրոպի գերեզմանի վրայ, որով բացուեցան հանդէսները: